

Gipuzkoako Aldizkari Ofiziala

168. zenbakia**Data 2013-09-04****40 orria**

7 Udal Administrazioa
ALBIZTURKO UDALA
Zabor ordenantza.

ALBIZTURKO UDALA

Iragarkia

2013ko maiatzaren 15an Gipuzkoako ALDIZKARI OFIZIALEAN Hiri hondakinak eta bilketa trataeraren agintaruaaren hasierako onarpena argitara eman zen.

Hilabeteko epea iragan eta alegaziorik tarteratu ez denez behin betikotzat onartuta ematen da.

HIRI HONDAKINEN BILKETA UDAL ORDENANTZA**ARRAZOIEN AZALPEN.**

Ordenantza honen bidez, herritarrei erraztu nahi zaie zaborraren banaketa sistema, honela ahal den gehien murriztu dadin birziklatu ezin den zaborraren kopurua.

Ordenantza honek hiri hondakin bilketa, arautzen ditu, erabiltzailei dagokienean.

I. TITULUA**XEDAPEN OROKORRAK****1. artikulua. Helburua.**

Ordenantza honek, Udalaren eskuduntzen barruan, ondorengo jarduerak arautzea du helburu:

— Hiri hondakin solidoen bilketa.

Halaber, Udalaren (bilketa zerbitzuaren kudeatzailea) eta zerbitzu honen erabiltzaileen arteko harremanak arautzen ditu, bi aldeek eskubideak eta betebeharrak erabakiz.

2. artikulua. Aplikazio eremua.

Ordenantza honen lurralde eremua **Albizturko** Udal barrutia da.

3. artikulua.

Hiri hondakin solidoen kudeaketa **Albizturko** Udalari dagokio, Tolosaldeko mankomunitatearekin batera.

4. artikulua. Erabiltzaileak.

Zerbitzu hauetako prestazioetan erabiltzaile kategoria dute zerbitzu hauen onuradun edo kaltetu diren pertsona fisiko nahiz juridikoak.

5. artikulua. Araudi aplikagarria.

Ordenantza honek Hondakinaren apirilaren 21eko 98/10 Legeari eta gainontzeko xedapen aplikagarriei jarraitzen die eta Tolosaldeko Mankomunitatea osatzen duten udalen eremuan etxeko eta merkataritzako hondakinak bildu ta

tratatzeko zerbitzua arautzen duen ordenantzan. (Gipuzkoako ALDIZKARI OFIZIALA 161/2013).

6. artikulua. Hondakinen definizioa.

Ordenantza honen xederako hauek dira definizioak:

- a) Hondakinak: Norbaitek utzitako eta utzi nahi dituen objektu edo sustantziak dira.
- b) Hiriko edo herriko hondakinak: Etxe partikularretan, eta beste zerbitzuetan sortutako hondakinak, eta arrisku kalifikazioa ez duten eta izaeraz edo osaketaz aipatu leku nahiz jardueretan sortzen direnen antzeko hondakinak.

Hiri hondakin moduan hartuko dira beste hauek ere:

Bide publikoen, berdeguneen, jolaserako lekuen garbiketarik datozen hondakinak.

Hildako etxeko animaliak, altzariak eta tresnak.

Etxe konponketarik edo eraikuntzako obra txikietatik datozen zabor eta hondakinak.

II. TITULUA

BILKETA ZERBITZUA

I. KAPITULUA. HONDAKINEN BILKETA.

7. artikulua.

Hondakin bilketa ondorengo puntuetan burutuko da:

- a) Plazako goiko aparkalekua: Papera, Beira, Plastikoa eta Errefuxa.
- b) Santa Marina eliza ondoan: Papera, Beira, Plastikoa eta Errefuxa.
- c) Mitxenea eta Añupe bitarteko Aparkalekua: Papera, Beira, Plastikoa eta Errefuxa.
- d) San Gregorio Ermita Alboan: Papera, Beira, Plastikoa, Errefuxa, Pila, Olio eta Arropa.

II. ATALA. Erabiltzaileen eskubideak eta betebeharrak

8. artikulua. Erabiltzaileen eskubideak, betebeharrak eta erantzukizunak.

Etxebizitza, eta bestelako denboraldirako bizileku jabe edo erabiltzaileek hondakinen bilketa zerbitzua erabiltzeko eskubidea dute 7. artikuluan xedatzen den bezala.

III. TITULUA

ARAU HAUSTEAK ETA ZIGORRAK

9. artikulua.

Ordenantzak diotenaren kontra dauden egintzak eta omisioak arau hauste administratiboak dira.

Erantzukizun zibil eta penalez aparte, ondorengo lerroetan tipifikatuta dauden arau hausteen zigorra alkateak jarriko du.

Zigorra jartzeko orduan honako arau haustearen izaera edo erantzukizuna duenaren zirkunstantziak hartuko dira kontuan, hau da: Erru maila, errepikatzeak, lortutako onura, ingurumenari egindako kaltea edo jendearen osasuna

arriskuan jartzea.

Urtebeteko epearen barruan arau bera hausteagatik zigortua izan den pertsonak erreintzidente izaera izango du.

Urraketa larria: Hondakinak horretarako ezarritako ontzitik kanpora uztea.

Zigor handiena 3.000 euro.

10. artikulua. Sailkatzen den hondakinen kontrola eta babes.

Udalak ezarritako sailkatzegunetan, auzokideek beren hondakinak uzteko aukera izango du.

11. artikulua. Ordenantza behar bezala beteko dela bermatzeko ardura **Albizturko** udalarena izango du.

Zigor espedientea ofizioz hasiko da, edota salaketa bidez.

AZKEN XEDAPENA

Ordenantza hau, behin betiko onspena jaso ondoren, Gipuzkoako ALDIZKARI OFIZIALEAN osorik agertu eta biharamunera indarrean jarriko da.

Albiztur, 2013ko abuztuaren 26a.—Alkatea. (8228)